



ԵԿԵՂԵՑԱԿԱՆ ԲԵՄ. ԼՈՒՐԵՐ

Մեպտեմբերի 5-ին, շաբաթ.—Այսօր, երեկոյան, ուխտավորաբար Մայր Աթոռ են ժամանում Տ. Հայկազուն արդ. Նաջարյանը՝ Լոնդոնից, և Ֆրանսիայի Իսի Լե Մուլինոյի Ա. Մարիամ Աստվածածին եկեղեցու հոգևոր հովիվ Տ. Մյուտոն արդ. Գրվիլլյանը:

Վեհափառ Հայրապետի բարեհաճ կարգադրությամբ Տ. Հայկազուն արդ. Նաջարյանը հոգևոր անձնարանից ներս հրավիրվել էր դասախոսելու կրոնական առարկաներ:

Մեպտեմբերի 6-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Նարեկ քմն. Մատարյանը և «Հայր մեր»-ից առաջ խոսում հավուր պատշաճի քարոզ:

«Ձկնի սրբոյ պատարագի» կատարվում է հոգեհանգիստ Մայր Աթոռի քարերար, նորոգ հանգուցյալ պրն. Արծրուն Ջրբաշյանի (Մարսել) հիշատակին: Այս առթիվ

Վեհափառ Հայրապետը ընդունում է հանգուցյալի կնոջը, տիկին Լիդա Ջրբաշյանին, և մխիթարիչ խոսք ասում նրա կրած մեծ կորստի համար:

Մեպտեմբերի 13-ին, կիրակի.—Խաչվե-
րաց.

Այսօր Մայր տաճարում, օրվա մեծ տոնի առթիվ, ս. պատարագ է մատուցում ուխտավորաբար Մայր Աթոռում գտնվող Տ. Մյուտոն արդ. Գրվիլլյանը:

«Հայր մեր»-ից առաջ գեղեցիկ և քովանդակալից քարոզ է խոսում Տ. Սիոն արքեպ. Մանուկյանը՝ «Ձի ճառ խաչին կորուսելոցն հիմարութիւն է, այլ փրկելոցս մեր՝ զօրութիւն Աստուծոյ» (Ա. Կորնթ. Ա. 18) քննաբանով:

Ս. պատարագին ներկա էր Վեհափառ Հայրապետը:

Նույն օրը, երեկոյան, կատարվում է «Թափօր Խաչվերացի» ավանդական հան-

դիսությունը՝ նախագահությամբ Մայր տաճարի լուսարարապետ Տ. Հուսիկ արքեպ. Սանթուրյանի:

• •

Նույն օրը Վեհափառ Հայրապետին են այցելում եգիպտահայ, ֆրանսահայ և կաթոլիկ ուստավորներ, որոնք Վեհափառում աջակցություն ստանում են Վեհափառ Հայրապետի օրհնությունը:

• •

Սեպտեմբերի 14-ին, երկուշաբթի.—Տօն է Խաչի. Յիշատակ մեռելոց.

Այսօր Մայր տաճարում, Ավագ խորանի վրա, ս. պատարագ է մատուցում Տ. Մովսիկ վրդ. Սարգսյանը: «Զկնի սրբոյ պատարագի կատարի հոգեհանգիստ վասն համօրէն մեռելոց»:

• •

Սեպտեմբերի 17-ին, հինգշաբթի.—Այսօր, երեկոյան, Լոնդոնից ուխտավորաբար Մայր Աթոռ է ժամանում Անգլիայի հայոց հայրապետական պատվիրակ և առաջնորդ Տ. Ներսէս եպ. Պոզապայանը:

Սրբազան հորը Երևանի «Զվարթնոց» օդանավակայանում դիմավորում է Տ. Հուսիկ արքեպ. Սանթուրյանը:

• •

Սեպտեմբերի 18-ին, ուրբաթ.—Այսօր Երևանում, հայրապետական վիլայում, երեկոյան ժամը 17-ին, տեղի է ունենում Գերագույն Հոգևոր Խորհրդի հերթական նիստ՝ նախագահությամբ Վեհափառ Հայրապետի: Նիստին հրավիրվել էր նաև Տ. Ներսէս եպ. Պոզապայանը, որը զեկուցում է լոնդոնահայության եկեղեցական, թեմական, մշակութային կյանքի մասին:

• •

Նույն օրը ուխտավորաբար Մայր Աթոռ են ժամանում ԱՄՆ-ի արևելյան թեմի Հայ Եկեղեցական Դպրաց Դասի Միության մի շարք անդամներ՝ ղեկավարությամբ Ուիլյամին Լաֆանգի Սաուր Միլոնի քաղաքի Ս. Հարություն եկեղեցու հոգևոր հովիվ Տ. Զեմոր քհն. Նալբանդյանի:

Մայր Աթոռ Ա. Էջմիածնի հոգևոր ճեմարանի հանդիսությունների դահլիճում խմբի համար կազմակերպվում է մի շարք

դասախոսություններ՝ նվիրված հայ հոգևոր և եկեղեցական երաժշտությանը և նրա զարգացման փուլերին:

Դասախոսությունները կարդում են անվանի երաժշտագետներ պրոֆ. Ռ. Աթաջանը, Ա. Սարյանը, Մ. Բրուտյանը, Ա. Պարսամյանը, Մայր տաճարի երգչախմբի ղեկավար, ՀՍՄՀ վաստ. արտիստ Խ. Մելխանեջյանը և ուրիշներ:

• •

Սեպտեմբերի 19-ին, շաբաթ.—Այսօր, երեկոյան, Դամասկոսից ուխտավորաբար Մայր Աթոռ է ժամանում Դամասկոսի հայոց թեմի առաջնորդ Տ. Ոսկան Ծ. վրդ. Գալբակյանը:

• •

Սեպտեմբերի 20-ին, կիրակի.—Այսօր Մայր տաճարում, Ավագ խորանի վրա, ս. պատարագ է մատուցում Տ. Անանիա վրդ. Արաբաջյանը և «Հայր մեր»-ից առաջ խոսում հավոր պատշաճի քարոզ:

Ս. պատարագին ներկա էր Վեհափառ Հայրապետը:

• •

Նույն օրը Ս. Գայանե վանքում տեղի է ունենում քահանայական ձեռնադրություն՝ ձեռամբ Մայր տաճարի լուսարարապետ Տ. Հուսիկ արքեպ. Սանթուրյանի:

Ս. Էջմիածնի հոգևոր ճեմարանի քահանայական լսարանի չորս ուսանողներ քահանա են ձեռնադրվում:

Տ. Զարեհ քհն. Սահակյան (ավագանի անունով՝ Անդրանիկ). ծնվել է 1947 թվականին Հայեպոմ:

Տ. Սարգիս քհն. Տերտերյան (ավագանի անունով՝ Սերոբ). ծնվել է 1951 թվականին Էջմիածնում:

Տ. Սահակ քհն. Սահակյան (ավագանի անունով՝ Մկրտիչ). ծնվել է 1950 թվականին Ախալցխայում (Վրացական ՍՍՀ):

Տ. Հովհաննես քհն. Ծահնագարյան (ավագանի անունով՝ Հովհաննես). ծնվել է 1958 թվականին Հոկտեմբերյան քաղաքում:

Ձեռնադրությունից հետո նորընծա քահանաները, ձեռնադրիչ սրբազան հոր առաջնորդությամբ, այցելում են Վեհափառ Հայրապետին և ստանում Նորին Սուրբ Օծության հայրական խորհուրդներն ու օրհնությունը:

Նորընծա քահանաներն իրենց քահանայական քառասունքն անցկացնելու են

Մայր Աթոռում՝ Տ. Նարեկ քհն. Մատար-
յանի հոգևոր ղեկավարությամբ:

• •

Սեպտեմբերի 24-ին, ճիզգշաբթի.—Այ-
սօր, երեկոյան, Արզենտինայից ուխտավո-
րաբար Մայր Աթոռ է ժամանում Հարա-
վարի Ամերիկայի հայրապետական պատ-
վիրակ և առաջնորդ Տ. Դավիթ եպս. Սա-
հակյանը:

Արթավազ հորը Երևանի «Զվարթնոց»
օդանավակայանում դիմավորում է Տ. Հու-
սիկ արքեպ. Սանթրոքյանը:

• •

Սեպտեմբերի 25-ին, ուրբաթ.—Այսօր,
երեկոյան, Բաղդադից ուխտավորաբար

Մայր Աթոռ է ժամանում Իրաքի հայոց թե-
մի առաջնորդ Տ. Ավագ ծ. վրդ. Ասատուր-
յանը:

Տ. Ավագ ծ վրդ. Ասատուրյանի հետ Ի-
րաքից Մայր Աթոռի հոգևոր ճեմարանում
ուսանելու են գալիս՝ երեք պատանիներ:

• •

Սեպտեմբերի 30-ին, չորեքշաբթի.—Այ-
սօր Վեհապատ Հայրապետին են այցելում
Ֆրանսիայի Նիցցայի շրջանի մի խումբ
ուխտավորներ՝ առաջնորդությամբ տեղի
հոգևոր հովիվ Տ. Տարոն ծ. վրդ. Մերեմ-
յանի:

Ուխտավորները Վեհարանում Նորին
Արքայան Աջը համբուրելով՝ ստանում են
Նրա օրհնությունը:

